



Vogošća, ul. Jošanička, br. 80; tel: 00387 33 586 413, fax: 586 418

Broj: 07/2-14-177/19
Vogošća, 15.02.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 15.02.2019. godine donio je

ODLUKU
O IZBORU NAJPOVOLJNIJEG PONUĐAČA ZA NABAVKU NAFTNIH DERIVATA I LOŽ ULJA
ZA POTREBE OPĆINE VOGOŠĆA

Član 1.

LOT 1.

Ponuda ponuđača "Nestro petrol" a.d. Banja Luka, ulica Kralja Alfonsa XIII broj 9. Banja Luka, odabrana je za nabavku naftnih derivata putem benzinskih stanica, kao prvoplasirana na Rang listi uz primjenu preferencijalnog tretmana domaćeg, te sa ponuđenom najnižom cijenom tehnički zadovoljavajuće ponude u iznosu od 16.728,00 KM bez uračunatog PDV-a, odnosno 19.571,76 KM sa uračunatim PDV-om.

LOT 2.

Ponuda ponuđača "BTG" d.o.o. Tomislavgrad, ulica Kolo bb. Tomislavgrad, odabrana je za nabavku i isporuka lož ulja za potrebe Općine Vogošća, kao prvoplasirana na Rang listi uz primjenu preferencijalnog tretmana domaćeg, te sa ponuđenom najnižom cijenom tehnički zadovoljavajuće ponude u iznosu od 7.623,95 KM bez uračunatog PDV-a, odnosno 8.920,02 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 28.01.2019. godine donio Odluku o pokretanju postupka Konkurentskog zahtjeva za dostavu ponuda za nabavku naftnih derivata i lož ulja za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.01.2019. godine pod brojem: 1353-7-1-1-3-22/19.

Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 11.02.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 11.02.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-177/19 iz januara 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da da je zaprimljeno 6 (šest) ponuda i to:

R.B.	NAZIV PONUĐAČA	LOT	UKUPNA CIJENA (KM) bez PDV-a	POPUST	CIJENA SA POPUSTOM BEZ PDV-A (KM)	UKUPNA CIJENA (KM) sa PDV-om
1.	"BTG" d.o.o. Tomislavgrad	2	8.750,00	/	/	10.237,50
2.	"Ame" d.o.o. Breza	1	18.367,00	/	/	21.489,39
		2	7.250,00	/	/	8.482,50
3.	"Hifa-petrol" d.o.o. Sarajevo	1	19.540,00	/	/	22.861,80
		2	8.600,00	/	/	10.062,00
4.	"Energopetrol" d.d. Sarajevo	1	19.721,00	/	/	23.073,57
5.	"Nestro petrol" a.d. Banja Luka	1	16.898,76	/	/	19.771,55
6.	"Petrol BH Oil Company" d.o.o. Sarajevo	1	19.045,00	10,25%	17.092,89	19.998,68

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača za Lot 1:

- "Ame" d.o.o. Breza
- "Hifa-petrol" d.o.o. Sarajevo
- "Energopetrol" d.d. Sarajevo
- "Nestro petrol" a.d. Banja Luka i
- "Petrol BH Oil Company" d.o.o. Sarajevo

te Ponude ponuđača za Lot 2:

- "BTG" d.o.o. Tomislavgrad
- "Ame" d.o.o. Breza i
- "Hifa-petrol" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači izuzev ponuđača "Ame" d.o.o. Breza u skladu sa tačkom 9.2.1. TD u svojim ponudama dostavili Potvrde vanjskotrgovinske komore BiH, a u cilju dokazivanja ispunjenja uslova o primjeni preferencionalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj 83/16).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2019. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50 % ukupne vrijednosti od ponuđenih roba imaju porijeklo iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 14.02.2019. godine u 9:05 sati (Lot 1) i 9:50 sati (Lot 2).

Nakon provedenog postupka E-aukcije i po završetku iste, a u skladu sa Izvještajima o toku i završetku E-aukcije od 14.02.2019. godine, Komisija za javne nabavke je sačinila sljedeće Rang liste u postupku Konkurentskog zahtjeva za dostavu ponuda za nabavku naftnih derivata i lož ulja za potrebe Općine Vogošća:

LOT 1- NABAVKA NAFTNIH DERIVATA PUTEM BENZINSKIH STANICA

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Nestro petrol" a.d. Banja Luka	16.728,00*	19.571,76
2	"Petrol BH Oil Company" d.o.o. Sarajevo	16.745,11*	19.591,78
3	"Ame" d.o.o. Breza	18.367,00	21.489,39
4	"Hifa-petrol" d.o.o. Sarajevo	19.540,00*	22.861,80
5	"Energopetrol" d.d. Sarajevo	19.721,00*	23.073,57

*Označava cijenu na koju se primjenjuje preferencijalni tretman

LOT 2- NABAVKA I DOSTAVA LOŽ ULJA ZA POTREBE OPĆINE VOGOŠĆA

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"BTG" d.o.o. Tomislavgrad	7.623,95*	8.920,02
2	"Ame" d.o.o. Breza	7.250,00	8.482,50
3	"Hifa-petrol" d.o.o. Sarajevo	8.600,00*	10.062,00

*Označava cijenu na koju se primjenjuje preferencijalni tretman

Obzirom da je Ponuda ponuđača "BTG" d.o.o. Tomislavgrad za Lot 2 sa ukupnom ponuđenom cijenom u iznosu od 7.623,95 KM bez PDV-a prelazila procijenjenu vrijednost nabavke za Lot 2 koja iznosi 6.000,00 KM bez PDV-a, Komisija za javne nabavke je dana 14.02.2019. godine zatražila izjašnjenje od nadležne Službe da li može obezbijediti razliku sredstava u iznosu od 1.623,95 KM bez PDV-a za realizaciju predmetne nabavke.

Služba za komunalne, poslove mjesnih zajednica i zajedničke poslove se aktom broj: 07/2-14-177/19 od 15.02.2019. godine očitovala da može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača u postupku Konkurentskog zahtjeva za dostavu ponuda za nabavku naftnih derivata i lož ulja za potrebe Općine Vogošća kako slijedi:

- LOT 1 - "Nestro petrol" a.d. Banja Luka, kao prvoplasiranom na Rang listi uz primjenu preferencijalnog tretmana domaćeg, sa ukupnom cijenom nabavke u iznosu od 16.728,00 KM bez uračunatog PDV-a, odnosno 19.571,76 KM sa uračunatim PDV-om;
- LOT 2 - "BTG" d.o.o. Tomislavgrad, kao prvoplasiranom na Rang listi uz primjenu preferencijalnog tretmana domaćeg, sa ukupnom cijenom nabavke u iznosu od 7.623,95 KM bez uračunatog PDV-a, odnosno 8.920,02 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

- | | |
|--|-------------|
| 1. "BTG" d.o.o. Tomislavgrad | 034/352-112 |
| 2. "Ame" d.o.o. Breza | 032/783-936 |
| 3. "Hifa-petrol" d.o.o. Sarajevo | 033/584-389 |
| 4. "Energopetrol" d.d. Sarajevo | 033/727-711 |
| 5. "Nestro petrol" a.d. Banja Luka | 051/215-386 |
| 6. "Petrol BH Oil Company" d.o.o. Sarajevo | 033/560-076 |
| 7. Nadležnoj Službi | |
| 8. U dosije | |
| 9. a/a | |



OPĆINSKI NAČELNIK


EDIN SMAJIĆ